



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კარბელაშვილი ანდრე ლუარსაბის ძე

კარბელაშვილი ანდრე ლუარსაბის ძე (18. III. 1927, თბილისი, – 12. IV. 2013, იქვე), ინჟინერი, პუბლიცისტი. საქართვე. დამს. რაციონალიზატორი (1961), საქართვე. ჟურნალისტთა კავშირის წევრი (1982). 1966 დაამთავრა სპი-ის კავშირგაბმულობის ფაკულტი. 1956–72 მუშაობდა თბილ. სხვადასხვა რ-ნში სატელეფონო კვანძის ხელმძღვანელ თანამდებობებზე; იყო საქალაქო სატელეფონო ქსელების განყ-ბის უფროსი, ხოლო შემდეგ – საქალაქო და სასოფლო სატელეფონო ქსელების სამმართველოს უფროსი (1972–78); საქართვე. სსრ სახელმწ. საგეგმო კომიტეტთან არსებული სახალხო მეურნეობის ეკონ., დაგეგმვისა და მართვის სამეცნ.-კვლ. ინ-ტის კავშირგაბმულობის სექტორის გამგე (1980–83); საქართვე. კავშირგაბმულობის სამინისტროს ტექ. სამმართველოს უფროსი (1983–91); საქართვე. კავშირგაბმულობის მინისტრის პირველი მოადგილე (1991–92). სამინისტროში მუშაობის პერიოდში კავშირგაბმულობის სფეროში დანერგა უახლესი ტექნოლოგიები.

კ. საქართვე. კავშირგაბმულობის ისტორიის ერთ-ერთი პირველი მკვლევარია და მრავალი პუბლიკაციის ავტორი. მისი წიგნი „ძმები სიმენსები საქართველოში“ ითარგმნა გერმ. ენაზე და გამოიცა მიუნხენში (1990), ერთი ეგზემპლარი ინახება ამავე ქალაქის სიმენსების მუზეუმში. კ. მრავალი გამოგონების ავტორია. მიღებული აქვს ღირსების ორდენი (2000).
